

REFERAT SAA- Sanarfinermut Avatangiisinullu Ataatsimiititaq d. 15-04-2020

Mødedato Onsdag d. 15. april 2020 kl. 13:30

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Pilersaarutitut tapiliussassat 2020-mi aallartinneqartussat.....	7
Nuutoqaq.....	10
Aalajangiiffigisassat.....	14
Suliat Aningaasaqarnermut Inuussutissarsiornermullu Ataatsimiititamut.....	15
Kommunitum pilersaarummut tapiliusseq 1C16-2, Kissarneqqortuunnguaq, Nuuk inaarutaasumik a	16
Tuapannguit, Nuuk 1A5-2mut siunnersuut.....	20
Suliat Aningaasaqarnermut Inuussutissarsiornermullu Ataatsimiititamut.....	24
Suliat matoqqasut.....	25
Lukket.....	26
Lukket.....	27
Imaqarniliap akuerineqarnera.....	28

Punkt 0: Saqqaa

Ilaasortat

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Lund Kuko (S)

Beslutning

Oqarasuaatsikkut: Justus Hansen (D), Harald Bianco (IA), Charlotte Pike (IA), Lund Kuko (S) aamma Mala Høy Kuko (S)

Punkt 1: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt 2: Nalunaarutit

2a. siulittaasup nalunaarutai

2b. ingerlatsiviup nalunaarutai

Beslutning

2a. Soqanngilaq

2.b

1. Ingerlatsivimmi Covid-19 pillugu suliniuteqarneq HHWJ-ip ataatsimiititamut ilisimatitsissutigivaa.
2. Ingerlatsivimmi pisortatut atorfiit piffissami kingullermi taarseraaffiuneri HHWJ-ip ataatsimiititamut ilisimatitsissutigivaa.
3. Aningaasanut inatsisissatut 2021-mut siunnersuummut kommunip sanaartugassatut kissaatai HHWJ-ip ataatsimiititamut ilisimatitsissutigivai
4. Inissialiornissamut kommunip taarsigassarsinissaanut neriorsuutit allaffeqarfimmit isummerfigineqarsimaneri pillugit HHWJ-ip ataatsimiititamut ilisimatitsissutigivaa
5. Sullorsuaqarnissamut/sissaq sinerlugu aqquserngiortoqarnissaanut innersuussutit pillugit HHWJ-ip ataatsimiititamut ilisimatitsissutigivaa

Punkt 3: Ilisimatitsissutit

Beslutning

Punkt 03A: Pilersaarutitut tapiliussassat 2020-mi aallartinneqartussat

Beslutning

Ilisimatitsissut tusaatitut tiguneqarpoq

Bilag

Ilanngussat 1 - Nunap assinga ilanngussa

Pilersaarutitut tapiliussassat 2020-mi aallartinneqartussat

Ilisimatitsissut

J.nr.: 16.03.01.01-P16-1-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Matumuuna ukiumi matumani 2020-mi kommunimut pilersaarutitut tapiliussassat suut aallartinneqarnissaat nalunaarutigineqarpoq:

- 1C4-4 Nuutoqaq, Nuuk
- 2B2-5 Qeqertat, Nuuk
- 1A4-3 Qapiarfiusaaq, Nuuk

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Matumuuna kommunimut pilersaarutitut tapiliusaaq sorleq ukiumi matumani aallartinneqarluni pilersaarutigineqarnersoq ingerlatsiviup ilisimatitsissutigivaa:

1C4-4 Nuutoqaq, Nuuk:

Suliffeqarfiup *Mælkebøttenip* allilerneqarnissamik periarfissaqarusulluni kissaataa tunngavigalugu, immikkoortumut pilersaarusiortittut tunngavioereersoq misissorlugu ingerlatsiviup aallartippaa. Misissuinerimi Hans Egedesvejip isuani akunnittarfiliornissamat suli periarfissiisoqassanersoq paasissallugu pingaaruteqarlunnartuuvoq. Sanaartorfissiatut atugassanngortinneqareersut pilersaarummi aamma iluarsiffigineqassapput. Suliaq 2020-p aallartinnerani aallartinneqassaaq

2B2-5 Qeqertat, Nuuk:

Ingerlatsiviup orsiisarfiup Orsiiviup, Qeqertani inissisimasup, allilerneqarnissamat periarfissamik qinnuteqaataa tiguaa.

Alliliinissami nutaamik pilersaarusiornermut tunngavissaqarnissaaq pisariaqarpoq, ingerlatsiviullu naliliinera malillugu Qeqertat ineriartortinneqarnissaanut kissaatigineqartumut tamanna nallersuuppoq. Nutaamik pilersaarusiornissami tankip avannaatungaani nunaminertat aamma ilanngunneqassapput, ullumikkut taakkua inissiivittut atornerqarput. Naliliineq malillugu taamatut atornerqarnera, Nuummi inuussutissarsuteqarfinnik ingerlalluartunik ineriartortitsinissamat naapertuutinnigilaq, immikkoortunik naleqquttunik massakkut amigaateqartoqarnera pillugu. Pilersaarutissap taamatut ineriartortitsinissaaq ikorfartussavaa.

Pilersaarutissaaq 2020-p aallartinnerani/qiteqqunnerani aallartinneqassaaq

1A4-3 Qapiarfiusaaq, Nuuk:

Ingerlatsivimmit immikkoortup Qapiarfiusaap, Nuup qeqqani inissiaqarfiusoq, assigiiaarnerusumik aamma ullutsinnut naleqqunnerusumik aalajangersaaffigineqarnissaa pillugu kissaat tiguneqarpoq. Pilersaarutissami illooreersunik allilerinissamut allanullu tunngavissat eqqortut pigineqalissapput, peqatigitillugulu immikkoortumi ersarissumik illuliortaaseq aamma tunngavissaqartilluarneqalissaaq. Aalajangersakkat taamaalillutik Nuummi illoqarfiup illuliortaatsikkut oqaluttuassartaanik ataqqinnittumik ineriartortinneqarnissaanut qulakkeerinneqataassapput. Nutaamik pilersaarusiorneq 2020-p naalernerani aallartinneqassaaq.

Aaqqiissutissatut siunnersuut – suliatigut naliliineq

Ingerlatsivimmit nalilerneqarpoq, suliassatut eqqarsaatigineqartoq Nuup ineriartortinneqarnissaanik kissaatigineqartumut ataqatigiissuusoq. Nutaanik inuussutissarsiuutit periarfissaqalernerat, inissiaqalernissaa peqatigitillugulu illoqarfiup oqaluttuassartaanik qulakkeerinikkut.

Aningaasatigut sulisoqarnikkullu naliliinerit

Pilersaarutininik pingasunik suliqaarneq aningaasatigut sunniuteqarnaviangilaq ingerlatsiviullu suliassaqaarfiisa ilarluinnaattut isigineqarpoq.

Inatsisitigut tunngavissaq allakkallu tunngaviusumik uppersaatitallit

Pilersaarusiorneq aamma nunaminertat atorineqartarnerat pillugit Inatsisartut inatsissaat nr. 17, 17. november 2010-imeersoq aamma Inatsisartut inatsissaat nr. 34, 9. december 2015-imeersoq Kommunitum pilersaarut digitaliusoq www.sermersooq2028.gl

Ingerlariaqqinnissaq

Kommunitum pilersaarutininut tapiliussat taakkua pingasut 2020-p aallartinnerani aamma naanerani aallartinneqassapput, naatsorsuutigineqarporlu ukiup ingerlanerani aamma 2021-p ingerlanerani akuersissutigineqarnissaat.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Kommunitum pilersaarummut tapiliussanik suliat naammassineqareerpata, taakkua tamanut saqqummiunneqassapput, innuttaasut siunnersuutininut isumaat tusarniarlugu.

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Nunap assinga ilanngussaq

Punkt 03B: Nuutoqaq

Beslutning

Ilisimatitsissut tusaatitut tiguneqarpoq

Bilag

Ilanngussat 1 - Atsiornernik katersineq

Nuutoqaaq

Nuutoqqami Hotelimut atsiornernik katersineq

Ilisimatitsissut

J.nr.: 18.01.01-P20-1-19

Sanarfinermut Avatangiisinullu Ingerlatsivik – Pisortaaq, Hans Henrik Winther Johannsen / HHWJ

Suliassamik eqikkaaneq

2019-imi decembarimi Beryajap sanaartugassamut qinnuteqaatini tunuartereeraalu Nuutoqqami hotelimik sanaartortoqarsinnaanerata atuutsiinnarnissaanut atsiornernik katersinernik kommune tigusaqarpoq.

Sanaartugassamik qinnuteqaatip tunuartinneqarnerata kingunerisaanik immikkoortumi pilersaarutip allanngortinnissaanut toqqaannartumik kinguneqassanngitsoq ingerlatsiviup soqutigisaqaqatigiit akissuteqarfagai. Hotelliorsinnaaneq kommunalbestyrelsimut oqaluuserisassanngorlugu saqqummiunneqassaaq, ingerlatsiviulli hotelliliorortoqarsinnaaneranut tunngatillugu immikkoortup pilersaarusiornissaanut sulineq aallartisassallugu.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Berjayap Hotelimik sanaartugassamut qinnuteqarneranut tunuartsineranullu uiggiullugu kommunimut pilersaarut malillugu Hotelimik sanaartorsinnaanerup atuutsiinnarnissaanut kommune atsiornernik 1300-nik tigusaqarpoq.

Berjaya 2019-imi decembarimi qinnuteqaammik tunuartsisereersorlu akerliusunit paasiuminaatsinneqarpoq sooq kommunimut pilersaarummut tapiliussaq pioreersoq immikkoortumi hotelliliorinissamut ammatitsinersoq. Aqqaluup Aneerasaartarfaniit Amutsivitoqqamut illoqarfiup pisoqartaa allanngutsaaliugassatut 1955-56-imi aalajangerneqarsimasoq ilaatigut akerliusut isumaqarput.

Aaqqiissutissatut siunnersuut – suliatigut naliliineq

Siullermik taaguutinik pillugit nassuiaaneq Kommunimut pilersaarummi aamma allaqqareersut. Akerliusut uparuaanerattut ullumikkut immikkoortortaq allanngutsaaliugaanngilaq. Immikkoortoq allanngutsaaliukkatut toqqarneqarsimavoq taakkualu taaguutit pillugit amerlanertigut paatsiveeruttoqartarpoq.

Assigiinngissutaat aana:

Sumiiffik imaluunniit sanaartugaaq allanngutsaaliugaaq

Immikkoortumi allanngutsaaliukkami oqaluttuarisaaneq illulioriaaserlu ataqqillugit nutaaliarluni sanaartortoqaqqusaavoq. Illu eriagisarialik iluatigut allanngortiterneqaqqusaavoq kisianni silataanut

allannguuteqarniaraanni kommunimit akuerineqaqqaartussaavoq, Nunattalu Katersugaasivianut saqqummiunneqassalluni.

Illu imaluunniit sumiiffik allanngutsaaliukkat.

Sanaartukkani nunaminertanilu eqqissisimatitani sanaartuqaq nunaminertarlunniit immikkut naleqarpat allanngutsaaliukkatut nalunaarsorneqarsimasoq Naalakkersuisut uppersaapput. Taakku sanaartukkat pingaarnertut malittarisassat naapertorlugit Nunatta Katersugaasivia akuersiteqqaarlugu aatsaat allanngortinneqassapput. Sanaartukkanik allanngutsaaliukkanik piginnittup taakku aserfallatsaaliuassavai.

Kommunip 2014-imi ingerlataa isumassarsianik unammisitsineq kommunimut pilersaarummut tapiliussami atuuttumi tunngaviuvoq. Unammisitsineq taamaallaat Kalaallit Nunaanni illussanik titartaasarfiit peqataaffigaat illussanik titartaasarfik Riis unammisitsinermi ajugaavoq. Ilaatigut immikkoortumut pilersaarummiipput hotelimut sanaartorfissaq, hotelimullu aalajangersakkami oqaasertaritinneqarpoq, Hotelimik pilersaarummik aallartitsineq kommunimut pilersaarummut tapiliussamik nutaamik kinguneqassasoq.

Ingerlatsiviup soqutigisalik (soqutigisaqatigiit) akivai, Berjaya sanaartornissamut qinnuteqaatiminik tunuartitsiinnarnera toqqaannartumik kinguneqartitsinngitsaq, kommunip immikkoortumut pilersaarunni taamaatiinnarmagu imaluunniit immikkoortoq pillugu nutaamik pilersaarusiornermik aallartitsimmat. Kommunip pilersaarutip nutarterneranut soqutigisaqatigiillu kissaataannut ilaatillugu Nuutoqqap avannaatungaata siunissami allilernerqarnissaanut immikkoortumilu nutaamik siunnersuuteqarluni ingerlatsiviup Nuutoqqami Hotelimik inissaqartitsinissamut periarfissaqartitsinersaq kommunalbestyrelsimi soqutigisaqatigiinnilu oqallisigineqarnissaa siunnersuutigissavaa. Imaluunniit, Nuutoqqap ilaa tamanna sanaartorfigineqassanngitsaq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq ingerlatsivimmuut aningaasaqarnikkut kinguneqassanngilaq ataavartumik pilersaarusiornermut ilaassammat.

Inatsisitigut tunngavissaq allakkallu tunngaviusumik uppersaaitallit

Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma

Inatsisartut inatsisissaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

2020-mi aggustimi ataatsimiititap ataatsimiinnissaanut siullermut politikikkut oqallinnissamut oqaluuserisassanngortitsisoqarnissaa ingerlatsiviup naatsorsuutigaa.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut
Soqanngilaq

Ilanngussat

1. Atsiornernik katersineq

Punkt 4: Aalajangiiffisassat

Soqanngilaq

Beslutning

Soqanngilaq.

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Kommunimut pilersaarummut tapiliusseq 1C16-2, Kissarneqqortuunnguaq, Nuuk inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Ilanngussat 1 - Kommunimut pilersaarummut tapiliusseq 1C16-2 Kissarneqqortuunnguaq, Nuuk

Kommunimut pilersaarummut tapiliusaaq 1C16-2, Kissarneqqortuunnguaq, Nuuk inaarutaasumik akuersissutigineqarnera

Aalajangiiffigisassaaq

J.nr: 16.03.01.01-P16-2-19

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussami immikkuualuttoq qitiusoqarfimmut siunertanut atugassiissutigineqarpoq, tassani ataatsimut atuuffinnut, inissianut suliffeqarfimmut il.il. pilersitsinissaaq periarfissiissutigineqarpoq. Pilersaarummi matumani sumiiffiup nalinginnaasumik atuuffissaa attatiinnarneqassaaq, taamaattorli immikkoortup ilaa 1C36 atuukkunnaassalluni aamma nunaminertaq immikkoortup ilaanut 1C16-imut ilanngunneqassaaq, tassanilu ataatsimut pilersaarusiornermut ilaalissalluni.

Immikkuualuttuni marlunni nutaanik sanaartornissamut periarfissiisoqassaaq, allallu pilersaarutaasimasunit immikkoortumut nuunneqassapput. Taamaaliornikkut Nuup qiterisaani naleqquttumik ineriartortitsinissaaq immikkuualuttumit qulakkeerneqassaaq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliusaaq 1C16-2, Kissarneqqortuunnguaq, Nuuk akuerineqassasoq
- siunnersuut Aningaasaqarnermut Inuussutissarsiornermullu Ataatsimiititamut aalajangiiffigisassatut ingerlateqqinneqassasoq
- tamatumalu kingornatigut Aningaasaqarnermut Inuussutissarsiornermullu Ataatsimiititap suliaq Kommunalbestyrelsimut inaarutaasumik akuersissutigisassanngorlugu ingerlateqqissagaa.

Suliassamik saqqummiussineq

Kommunimut pilersaarummut tapiliussami immikkuualuttoq qitiusoqarfimmut siunertanut atugassiissutigineqarpoq, tassani ataatsimut atuuffinnut, inissianut suliffeqarfimmut il.il. pilersitsinissaaq periarfissiissutigineqarpoq. Siunnersuummi matumani sumiiffiup nalinginnaasumik atuuffissaa attatiinnarneqassaaq, taamaattorli immikkoortup ilaa 1C36 atuukkunnaassalluni aamma nunaminertaq immikkoortup ilaanut 1C16-imut ilanngunneqassaaq, tassanilu ataatsimut pilersaarusiornermut ilaalissalluni.

Siunnersuummi immikkoortoq immikkuualuttunut tallimanut agguarneqarpoq, tassani immikkoortunut C & E-mut sukumiisumik aalajangersakkat nutaat nassuiaasersorneqarput. Immikkuualuttut A, B & D-nut tunngatillugu aalajangersakkat pioreersut atuuttut nuunneqarput, taamaaliornikkut immikkoortumut pilersaarummut ataatsimut ataatsimoortinneqarput.

Immikkuualuttoq C: Pilersaarummut tapiliussami B-1198-ip toqqaviani nutarterinissamut periarfissanitsivoq (KNR-itoq), taamaalilluni sanaartorfissanut atugassiisummi quleriit 5-it tikillugit nutaanik sanaartorfissamik pilersitsisoqarsinnaavoq.

Immikkuualuttoq E: Pilersaarummi ilaqutariinnut ataasiakkaanut illut pioreersut akornanni nutaanik sanaartorfissamik atugassiisoqarpoq, taamaalilluni alliliinissamut imaluunniit isaterinissamik nutaamillu sanaartornissamut periarfissaqalerluni. Taamaattorli, nuna apeqqutaatillugu, illup ataatsimut toqqavia 150 m²-it, quleriit 1 ½-it, naqqup-ilualu atorlugu, qaangersimassangilaa. Immikkuualuttumi H.J. Rinksvej sinerlugu inuussutissarsiutinut illut akornanni sanaartorfissat nuunneqarput, tamannalu kommunimut pilersaarummut tapiliussami 1C12-4-mi akuerineqarput. Taamatuttaaq sanaartorfissani taakkunani quleriit 3-t tikillugit, illut pioreersut 3-t akornanni, alliliinissamut imaluunniit isaterinissamut nutaamillu sanaartornissamut periarfissiisoqarluni.

Pilersaarummut siunnersuummi aamma Børnehjemsvej Kisserneqqortuunnguullu akornanni aqqusernit atorunnaarsinneqarnissaat siunniunneqarpoq. Taamaaliornikkut aqcutit, pingaartumik pisuinnarnut sikkilinillu ingerlasunut immikkoortumiittunut timersortarfiliartartunut toqqissisimanarnerulissasoq nalilerneqarpoq. Saniatigut Børnehjemsveji sinerlugu najugaqartunut pitsaanerulissalluni, maannakkummi aqqusinermit ungasissusissamut piumasaqaatit naammassineqarsinnaangimmata.

Aaqqiissutissatut siunnersuut – suliatigut naliliineq

Kommunimut pilersaarummut tapiliussami Nuup illoqarfiata qeqqani eqiterinissamut periarfissiivoq, saniatigullu illoqarfimmi sanaartukkat atorneqanngitsut nutaaliorfigineqarsinnaassallutik kiisalu illut pioreersut allilerneqarsinnaassapput piffissamut naleqquttunngortillugit.

Immikkoortumut periusissatut akuerineqarsimasunut pilersaarut naapertuuttoq ingerlatsivimmit nalilerneqarpoq, immikkoortumi sukisaarsaarfissanut assigiinngitsunut, ilaatigut ivigaaraasalimmik arsaattarfimmut, atugassiisoqarsimavoq. Kommunimut pilersaarummut tapiliussami sammisassaqaartitsiniutinut aqqusineeqqap pilersinneqarnissaanut periarfissat attatiinneqarput, taamalu immikkoortumi timersortarfinnut pisuinnaat il.il. aqcutissaat qulakkeerneqarluni. Pilersaarummut tapiliussami illoqarfiup eqiterneqarnera nanginneqarpoq, maannakkut tamanna immikkuualuttuni eqqaaniittuni ingerlanneqarpoq, taamaalilluni inissianik nutaanik sanaartornissamut periarfissaqalerpoq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassangilaa. Qanittuanilu ineriartortitsinissamut pilersaarutiniq arlalinnik peqalereerpoq, taamaattorli aqquserngit annertuumik ingerlaffigineqarnerminni tunuleriaattoqartarnissaa naatsorsuutigineqarsinnaavoq.

Inatsisitigut tunngavissaq allakkallu tunngaviusumik uppersaatitalit

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq aamma Inatsisartut inatsisissaat nr. 34, 9. december 2015-imeersoq Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarummut tapiliusaaq inaarutaasumik akuerineqareerpat atuuttussatut nalunaarutigineqassaaq aamma kommunimut pilersaarummi tamanut saqqummiunneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatsineq/attaveqaqatigiinneq

Kommunimut pilersaarummut tapiliusaaq sapaatip-akunnerini 8-ni tamanut tusarniaassutigineqareerpoq, tassungalu atatillugu tusarniaanermut akissutinik pissarsisoqanngilaq. Tusarniaaneq Nuuk Ugeavisikkut kiisalu kommunip tusarniaassutitut nittartagaatigut nalunaarutigineqarput.

Kommunimut pilersaarut atuuttutut nalunaarutigineqareerpat kommunimut pilersaarummi tamanut saqqummiunneqassaaq.

Ingerlatsivinnit allaniit oqaaseqaatigineqartut

Soqanngilaq

Ilanngusaaq

1. Kommunimut pilersaarummut tapiliusaaq 1C16-2 Kissarneqqortuunnguaq, Nuuk

Punkt 05B: Tuapannguit, Nuuk 1A5-2mut siunnersuut

Beslutning

Inassuteqaat akuersissutigineqarpoq.

Bilag

Ilangussat 1 - Kommuniq pilersaarutaanut tapiliussamut siunnersuut 1A5-2, Tuapannguit, Nuuk

Tuapannguit, Nuuk 1A5-2mut siunnersuut

Kommunimut pilersaarummut tapiliussamut siunnersuut

Aalajangiiffigisassaq

J.nr.: ANL-2019-00021

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A5-2 Tuapannguit, Nuuk, siunnersuut matumuuna saqqummiunneqarpoq.

Kommunalbestyrelsip november 2019-imi taamaalilluni pilersaarusionut immikkoortumut §32-imi inerteqqut atorunnaarsippaa. Tassa imaappoq, nunaminertat illuliornermillu suliarinninneq ukioq ataatsip missaani unitsinneqassasoq kommunimut pilersaarummut tapiliussap nutaap suliarineqarnerata nalaani.

Kommunimut pilersaarummut tapiliussami aalajangersarneqarpoq immikkoortup ilaa 1A5 inissiaqarfiussasoq ilaqutariit ataatsit illuinik illullu affarleriikkaanik sanaartorfiusoq. Maannakkorpiaq kommunimut pilersaarummut tapiliussamut tunngatillugu piffimmi pisiniarfimmik kioskimilluunniit ingerlatitsisoqaqqusaanngilaq

Immikkoortup ilaani, illuliortaatsip illullu angissusianik, pisoqqamit nutaamut ikaarsaariarnertaanik ersersitsisumik atatitsisuussaaq. Sanaqqinneqarnerani nutaamilluunniit sanaartornermi illut aappaa affaanik quleriussapput. Nunami sananeqarnissaa ajornanngippat naqqup ataani inimik atorqeersinnaasumik sanasoqarnissaa akuersissutigineqarsinnaavoq.

Sanaartorfissaq ataaseq inissiamut pisortanit pigineqartumut sanaartorfiusussanngortinneqarpoq. Sanaartukat pioreersut eqqaanni sanaartorfissat sanaffissanngortinneqassapput, pioreersunik alliliinissamut imaluunniit isateriarlugu sanaartornissamut periarfissiisumik. Nunaminertaq sanaartorfissaq ataaseq 150 m² angissuseqarpoq taannalu 1½ -mik quleriussaaq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 1A5-2 Tuapannguit, Nuuk, akuerineqassasoq
- siunnersuut akuersissutigineqartoq Aningaasaqarnermut Inuusutissarsiornermullu Ataatsimiititamut ingerlateqqinneqassasoq, sapaatip-akunnerini arfinilinni tusarniaassutigineqarnissaa siunertaralugu
- aningaasaqarnermut Inuusutissarsiornermullu Ataatsimitap tamatuma kingorna suliaq Kommunalbestyrelsimut ilisimatitsissutitut ingerlateqqissagaa.

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A5-2 Tuapannguit, Nuuk, siunnersuut matumuuna saqqummiunneqarpoq.

Kommunalbestyrelsip november 2019-imi taamaalilluni pilersaarusionut immikkoortumut §32-imi inerteqqut atorunnaarsippaa. Tassa imaappoq, nunaminertat illuliornermillu suliarinninneq ukioq

ataatsip missaani unitsinneqassasoq kommunimut pilersaarummut tapiliussap nutaap suliarineqarnerata nalaani. Inerteqquteqarnermi qulakkeerniarneqarpoq piffissap akunnerani pilersaarummut nutaami siunertanut akerliusunik pissutsinik pilersitsisoqannginnissaa.

Kommunimut pilersaarummut tapiliussatut siunnersuummi uani pineqarpoq immikkoortup ilaa 1A5 illoqarfiup ilaani ilaqutariinnut ataasiakkaanut aamma illut affarleriit ataasiakkaat inissisimaffigisaat. Aammalu inissiaqarfiusuni taamaallaat akuersissuteqarluni inuussutissarsiateqartoqarsinnaavoq. Maannakkorpiaq kommunimut pilersaarummut tapiliussamat tunngatillugu piffimmi pisiniarfimmik kioskimilluunniit ingerlatitsisoqaqqusaanngilaq.

Tuapannguit sanaartornermi Nuutoqqamit isikkivimmik aalajangiisuusarpoq. Taamaattumik immikkoortup ilisarnaataata pigiinnarnissaa piffimmi pingaaruteqarpoq. Kommunimut pilersaarummut tapiliussaq una illuliortaatsip illullu angissusii eqqarsaatigalugit, pisoqqamit nutaamut ikaarsaariarnerata attatiinnarneqarnissaanik ersersinneqarnissaanik qulakkeerisuusaaq. Taamaalilluni pilersaarutitut siunnersuut illoqarfiup oqaluttuarisaaneranut atatitsisuusaaq.

Immikkoortumi sanaartorfissiamik ataatsimik nutaamik atugassiisoqassaaq. Taanna taamaallaat pisortat inissiaataannik sanaartornissamat atorneqarsinnaavoq annerpaamik toqqaviata annertussusaa 150 m² –iussalluni 1½ etageaassallunilu. Kommunimut pilersaarummut tapilussassatut siunnersuummi siunertarineqarpoq 1A5-2mi illut suut, qanorlu ittut sananeqarsinnaanerannut aalajangersakkanik qulakkeerinissaq. Immikkoortup ilaani siunissami nutaamik imaluunniit sanaqqiinnissami, quleriit 1½ toqqavialu 150 m². nunap ilusaata ajornartinnippagu, najugarineqarsinnaasumik kiilereqarnissaanut akuersissummik tunniussisoqarsinnaavoq.

Aaqqiissutissatut siunnersuut – suliatigut naliliineq

Immikkoortup ilaa 1A5 najugaqarfiuinnartussatut ingerlatsivimmit nalilerneqarpoq (A) ilaqutariinnut ataatsinut aammalu affarleriinnik illoqarfiuinnassasut. Illoqarfiup ilaani tamaani illut sanaqqaarneqartut amerlanerit piiarneqarsimagaluartut pingaartuuvoq ataasiakkaanik pukkitsunillu illoqarfiunerata attatiinnarnissaa. Tamannalu oqaluttuarisaanermi Nuup qitiusumik illoqarfiata isikkuanut ilapittuutaavoq. Peqatigitillugu pilersaarutitut siunnersuut ullutsinnut naleqquttumik inissialiornissamat periarfissiivoq.

Pilersaarutitut siunnersuummi sumiiffiup atorneqarnissaanut killiliussat aalajangiusimaneqassapput, Tuapannguimmi tassaagami illoqarfiup pisoqartaanut Nuutoqqamut tunuliaqutaasoq ilisarnarluartoq. Taamaattumik immikkoortup ilaani sanaartoriaaseq illullu angissusai eqqarsaatigalugit illoqarfiup qeqqani pisoqqamit nutaanut ikaarsaariarnerup ingerlateqqinneqarneranik ersersitsisuusaaq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitallit

Kommunimut pilersaarummut tapiliussatut siunnersuutit tullinnguuttut uku tunngavigalugit suliarineqarpoq:

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma

- Inatsisartut inatsisaat nr. 34, 9. decembari 2015-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Siunnersuut tamanut tusarniaassutigineqassaaq sap. ak. 6-ini.

Matumani Kommunimut pilersaarutissatut siunnersuutip 1A5-2-p akuersissutigineqarneratigut Illoqarfiup ilaanut pilersaarut 1.27 atorunnaarsinneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Siunnersuut tamanut tusarniaassutigineqassaaq sap. ak. 6-ini. Tusarniaaneq Nuuk Ugeavisikkut kiisalu kommunip tusarniaassutitut nittartagaatigut nalunaarutigineqarput.

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Kommunip pilersaarutaanut tapiliussamut siunnersuut 1A5-2, Tuapannguit, Nuuk

Punkt 6: Suliat Aningaasaqarnermut Inuussutissarsiornermullu Ataatsimiititamut

Beslutning

Soqanngilaq.

Punkt 7: Suliat matoqqasut

Punkt 07A: Lukket

Punkt 07B: Lukket

Punkt 8: Imaqarniliap akuerineqarnera

Beslutning

15. apriili: Imaqarniliaq akuersissutigineqarpoq, nal. 10.40

17. apriili Imaqarniliaq akuersissutigineqarpoq 10.45